



Austurvegur 65 - 800 Selfoss

Sími 480 8250 – Veffang www.hsl.is – Netfang hsl@hsl.is – Kennitala 480284-0549

Umhverfis- og auðlindaráðuneyti
Skuggasund 1
150 Reykjavík

postur@uar.is og samradsgatt.island.is

Selfossi, 31. október 2019
1910094HS SG

Efni: Umsögn Heilbrigðiseftirlits Suðurlands um drög að reglugerð um skráningarskyldan atvinnurekstur

Drög að ofangreindri reglugerð voru birt í samráðsgátt Stjórnarráðsins, 4. október sl., en frestur til umsagna var framlengdur til 1. nóvember 2019.

Almennt:

Heilbrigðiseftirlit Suðurlands er meðmælt því að einfalda stjórnsýsluna sem kostur er, gera sem flest skjöl rafræn, þar með talin skjöl sem sanni að fyrirtæki uppfylli kröfur sem gerðar eru til starfseminnar, hvort sem þau eru kölluð: *starfsleyfi* eða *skráning*. Hins vegar er langur vegur frá að drög að drög að reglugerð um skráningarskyldan atvinnurekstur stuðli að einföldun, hvorki fyrir rekstraraðilana né fyrir almenning í landinu.

Athugasemdir við einstaka greinar draganna:

1. gr.

Markmiðssetning reglugerðarinnar ætti að vera að einfalda stjórnsýsluna, að mati Heilbrigðiseftirlits Suðurlands. Markmiðin sem eru sett fram hljóma sem öfugmæli.

3. gr.

Heilbrigðiseftirlit Suðurlands telur óþarfa flækjustig felast í að skrá skuli starfsemina hjá Umhverfisstofnun, heldur ætti rekstraraðili einfaldlega að skrá starfsemina á island.is á viðeigandi stað og að skráningin fari rafrænt á viðkomandi heilbrigðisnefnd. Það sé síðan heilbrigðisnefnd sem staðfesti skráninguna, en ekki Umhverfisstofnun, enda hljóti það að vera skilvirkari og öruggari leið til hagsbóta fyrir bæði neytendur og náttúruna, sem eru helstu haghafar í löggjöfinni.

Ef skráning verður að veruleika í þessu formi þarf að breyta 2. málsg. Heilbrigðiseftirlits Suðurlands leggur til að 2. mgr. 3. gr. hljóði svo:

„Óheimilt er að hefja skráningarskyldan atvinnurekstur fyrr en skráning hefur farið fram og viðkomandi heilbrigðisnefnd hefur staðfest hana“

Handwritten signature



Breyta þarf upphafi 3. málsgreinar 3. Greinar og leggur Heilbrigðiseftirlit Suðurlands til að:
Í upphafi mgr. komi „Heilbrigðisnefnd“ í stað „Umhverfisstofnun“.

Rök:

Með því móti er það tryggt að viðkomandi heilbrigðisnefnd hafi skráð fyrirtækið til eftirlits og jafnframt að sé það tryggt svo sem kostur er að eftirlit fari fram við fyrstu hentugleika.

4. gr.

Í greinina vantar að *húsnæði skuli uppfylla kröfur byggingafulltrúa til starfseminnar*.
Það er ekki nóg að uppfylla skilyrði um staðsetningu ef bygginguna vantar.

5. gr.

Starfsskilyrði í þessu sambandi er orðskrípi sem gengur ekki upp, að mati Heilbrigðiseftirlits Suðurlands. Frekar mætti kalla þetta **Skráningarskilyrði**

7. gr.

Greininni er ofaukið þar sem þetta atriði er tekið fram í 3. mgr. 3. greinar.

8. gr.

Það er fullkomlega óskiljanlegt að rekstraraðili þurfi að hafa samskipti við tvær stjórnsýslustofnanir – t.d. nuddstofa sem ætlar að flytja í nýtt húsnæði, svo dæmi sé tekið. Í dag er nóg að tilkynna slíkt til heilbrigðisnefndar.

9. gr.

Í þessari grein eru tvær reglugerðir taldar upp sem eftirlitið byggist á. Að mati Heilbrigðiseftirlits Suðurlands er þetta óheppilegt orðalag því það eru ótal aðrar reglugerðir sem eftirlit með fyrirtækjunum byggist á, og þau þurfa að uppfylla á grundvelli laga nr. 7/1998 um hollustuhætti og mengunarvarnir m.s.br. sem dæmi um að er reglugerð um hávaða, reglugerð um fráveitur og skólp og olíureglugerð, svo einhverjar mikilvægar séu taldar upp.

Um „Ákvæði til bráðabirgða“:

Heilbrigðiseftirlit Suðurlands telur að verði þetta ákvæði eitt og sér sett inn í, annars vegar reglugerð um hollustuhætti og hins vegar í reglugerð um losun frá atvinnurekstri og mengunarvarnaeftirlit þá væri það ígildi skráningar og mun einfaldari aðgerð.

Auk ofangreinds tekur Heilbrigðiseftirlit Suðurlands undir umsagnir sem þegar hafa komið í samráðsgáttina frá Heilbrigðiseftirlit Hafnarfjarðar- og Kópavogssvæðis, Sambandi íslenskra sveitarfélaga, Heilbrigðiseftirliti Reykjavíkur og Ungum umhverfissinum.

F.h. Heilbrigðiseftirlits Suðurlands,

Sigrún Guðmundsdóttir
framkvæmdastjóri